



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-013-4/22**
Datum: **26.01.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „NEXE BETON“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 84 m³/h, sa pratećim objektima i sadržajima izgrađenih na lokalitetu industrijske zone Šićki Brod, Grad Tuzla, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „NEXE BETON“ d.o.o. Sarajevo daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 184 m³/h, sa pratećim objektima i sadržajima izgrađenim na zemljištu označenom kao k.č. 515/8, 515/9, 445/8, 445/10 i 445/12 K.O. Plane, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, kontrolni šahtovi, separator ulja i masti sa koalescentnim filterom i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se vode od pranja tehnološke opreme za proizvodnju betona, mješalica i miksera za prevoz betona, otpadna voda iz laboratorije i dio vode sa radno-manipulativnih površina koje gravitiraju postrojenju reciklaže prikupljaju putem kanala sa slivnom rešetkom i nesmetano odvođe do postrojenja za reciklažu te ponovo se vraćaju u proces proizvodnje (sistem recirkulacije).
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se oborinske onečišćene voda sa radno-manipulativnih površina nesmetano skupljaju putem kanala sa slivnim rešetkama, odvođe do taložnika, te preko separatora ulja i masti sa koalescentnim filterom odvođe do recipijenta, rijeke Jale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne

kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.7. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.11. Investitor je u obavezi da u toku važenja ovog rješenja o vodnoj dozvoli izradi tj. inovira projektnu dokumentaciju Projekat izvedenog stanja za vanjsko uređenje, odvodnju i tretman tehnoloških otpadnih voda kao i oborinskih voda sa platoa kompleksa betonare izgrađenog na parceli k.č. 515/8, 515/9, 445/8, 445/10 i 445/12 K.O. Plane, općina Tuzla, urađen od strane Rudarsko-geološko-građevinskog fakulteta Univerziteta u Tuzli, juni 2012. godine u skladu sa činjeničnim stanjem na terenu i rezultatima monitoringa otpadnih voda prije ispusta u recipijent-rijeku Jalu.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. U periodu važenja ove dozvole, pravno lice je dužno provoditi sve mjere i aktivnosti propisane istom

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „NEXE BETON“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 84 m³/h, izgrađenog na zemljištu označenom kao k.č. 515/8, 515/9, 445/8, 445/10 i 445/12 K.O. Plane, Grad Tuzla.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Rješenje o registraciji, broj:065-0-Reg-16-000749 od 02.03.2016. godine izdato od strane Općinskog suda u Sarajevu – kopija,
- Uvjerjenje o poreznoj registraciji od 12.12.2016. godine izdato od strane Kantonalnog poreznog ureda Sarajevo – kopija,
- Rješenje o okolinskog dozvoli, broj:12/01-1-23-010694/17 od 21.08.2017. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Punomoć podnosioca zahtjeva, broj:06/2022 od 14.01.2022. godine,
- Rješenje o vodnoj dozvoli, broj:UP-I/25-3-40-660-5/16 od 25.01.2017. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:04/1-13-25-38816/16 od 10.02.2017. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Rješenje o odobrenju za upotrebu, broj: 07/10-23-008817/10 od 05.09.2012 godine izdato od strane Službe za prostorno uređenje i zaštitu okoline – kopija,
- Ugovor sklopljen sa TQM d.o.o. Lukavac, broj: 25/21 od 31.03.2021. godine – kopija,
- Kopija katastarskog plana UR broj:07-27-248/2020-3 od 13.01.2020. godine izdata od strane Službe za geodetske i imovinsko-pravne poslove Grada Tuzla - kopija,
- Zemljišnoknjižni izvadak Katastarska općina: SP_Bistarac126-0-NAR-20-000 062 Zemljišnoknjižni uložak broj:3130 zdat od strane Općinskog suda u Lukavcu – kopija,
- Račun, broj:G01-332/2019 od 14.10.2019. godine (sa potvrdom o izvršenoj usluzi i Narudžbenicom, br. 04-10/19) izdatim od strane JKP „Vodovod i kanalizacija“ d.o.o. Tuzla – kopija,
- Zahtjev za dodjelu koncesije, broj:85/20 od 06.07.2020. godine upućen Ministarstvu poljoprivrede, šumarstva i vodoprivrede Tuzlanskog kantona – kopija,
- Ugovor broj:070-01/22 od 21.01.2022. godine potpisan sa „Kemeko-BH“ d.o.o. Lukavac – kopija,
- Narudžbenica NN4-21-0336 od 21.listopad 2021. godine izdata od strane „Sikosan“ d.o.o. Tuzla sa računom broj:158/21, tovarnim listom br. 000108 od 20.09.2021. godine i radnim nalogom mašine br.:00333 - kopija,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Projekat izvedenog stanja za vanjsko uređenje, odvodnju i tretman tehnoloških otpadnih voda kao i oborinskih voda sa platoa kompleksa betonare izgrađenog na parceli k.č. 515/8, 515/9, 445/8, 445/10 i 445/12 K.O. Plane, općina Tuzla, urađen od strane Rudarsko-geološko-građevinskog fakulteta Univerziteta u Tuzli, juni 2012. godine,
 - Izvještaj o monitoringu kvaliteta i kvantitetu otpadnih voda, maj 2021. godine urađen od strane TQM d.o.o. Lukavac,
 - Izvještaj o monitoringu kvaliteta i kvantitetu otpadnih voda, oktobar 2021. godine urađen od strane TQM d.o.o. Lukavac,
 - Izvještaj o monitoringu kvaliteta i kvantitetu otpadnih voda, maj 2020. godine urađen od strane TQM d.o.o. Lukavac,
 - Izvještaj o monitoringu kvaliteta i kvantitetu otpadnih voda, maj 2019. godine urađen od strane TQM d.o.o. Lukavac,
 - Izvještaj o monitoringu kvaliteta i kvantitetu otpadnih voda, novembar 2019. godine urađen od strane TQM d.o.o. Lukavac,
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj pravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uvidaj na prostoru proizvodnog pogona betonare sa pratećim sadržajima „NEXE BETON“ d.o.o.

Sarajevo lociranoj u industrijskoj zoni „Šiški Brod“, Grad Tuzla i tom prilikom sačinjen Zapisnik o izvršenom uviđaju broj: UP-1/21-3-40-013-2/22 od 25.01.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pogon za proizvodnju betona sa pratećim sadržajima, nalazi se u industrijskoj zoni „Šiški Brod“, Grad Tuzla, lociran na zemljištu označenom kao k.č. 515/8, 515/9, 445/8, 445/10 i 445/12 K.O. Plane, Tuzla.
- Pogon za proizvodnju betona je tipski proizvod MERKO CZ, a.s. tip: HBS 2D/NS-MERKO 000+ZKL 155k, maksimalni kapacitet betonare iznosi $84 \text{ m}^3/\text{h}$, tip mješalice MARC-MDE 3000/2000, kapacitet spremnika agregata 150 m^3 , proizvodni broj betonare 011707, godina proizvodnje 2007.
- Voda koja se koristi kao komponenta u proizvodnji betonske mase, te za pranje proizvodne opreme obezbjeđuje se iz vlastitog bunara. Količina zahvaćene vode se prati i dostavljaju izvještaji nadležnom Kantonalnom ministarstvu i Federalnom ministarstvu energije, rudarstva i industrije. Zahtjev za dobijanje koncesionog prava za zahvat vode je pokrenut u 2020. godini kod nadležnog Ministarstva poljoprivrede, šumarstva i vodoprivrede Tuzlanskog kantona.
- Sanitarno fekalne vode iz objekata betonare prikupljaju se sistemom kanala u vodonepropusnu septičku jamu zatvorenog tipa bez preliva efluanta, sa ventilacijom. Crpljenje septika iz septičke jame se vrši prema ukazanoj potrebi, a prema uslovima iz ugovora zaključenog sa JP „Vodovod i kanalizacija“ d.o.o. Tuzla.
- Tehnološka otpadna voda koje nastaju nakon pranja unutrašnjosti bubnja mješalice istresa se u mikser i odvodi u recirkulator koji je sastavni dio betonare. U recirkulatoru se odvajaju šljunak, sitne čestice i voda. Sitne kamene čestice se vraćaju u proces proizvodnje dok se voda odvodi u trokomorni taložnik zapremine $V = 88,2 \text{ m}^3$ u kojem se vrši taloženje sitne frakcije. Voda iz taložnika kao prečišćena se vraća u cijev putem hidrofora iz koje se vrši ponovno pranje mješalice i proizvodnja betona, tj. u sistem recirkulacije vode.
- Prikupljanje oborinskih onečišćenih voda sa lokacije pogona za proizvodnju betona sa pratećim sadržajima vrši se putem slivnika, kanala sa rešetkama, odvodi do taložnika te putem cjevovoda odvodi do separatora ulja i masti tip: TX-SEP 6000-1-01-bypass kapaciteta $Q = 30 \text{ l/s}$. Investitor nije ugradio dodatni separator ulja i masti sa koalescentnim filterom u skladu sa projektnom dokumentacijom (u cilju tretmana svih zauljenih otpadnih voda do proračunate količine od $41,365 \text{ l/s}$).
- Uvidom u rezultate Izvještaja o monitorngu kvaliteta i kvantitetu otpadnih voda iz 2020. godine i 2019. godine koje je uradio, po ugovoru, TQM d.o.o. Lukavac konstatovano je da analizirani uzorci zadovoljavaju propisane vrijednosti parametara iz Uredbom o uslovima ispuštanja otpadnih voda u okoliš i sisteme javne kanalizacije.
- Uvidom u rezultate Izvještaja o monitorngu kvaliteta i kvantitetu otpadnih voda, maj/oktobar 2021. godine urađenih od strane TQM d.o.o. Lukavac možemo konstatovati da analizirani uzorci odgovaraju vrijednostima parametara propisanih Uredbom o uslovima ispuštanja otpadnih voda u okoliš i sisteme javne kanalizacije.
- Ispuštanje prečišćenih oborinskih voda (nakon tretmana u separatoru) sa lokacije pogona za proizvodnju betona sa pratećim sadržajima vrši se preko monitoring okna u rijeku Jalu.
- Čišćenje taložnika od recikliranog betona po ugovoru radi „Sikosan“ d.o.o. Tuzla.
- Mehaničko pranje i čišćenje separatora te zbrinjavanje zauljenog otpada iz separatora vrši po ugovoru „Kemeko-BH“ d.o.o. Lukavac.
- Skladištenje tečnih goriva, masti, hidrauličkih ulja te popravka mehanizacije se ne vrši na lokaciji betonare.
- U prethodnom periodu, od izdavanja rješenja o vodnoj dozvoli broj: UP-I/25-3-40-660-5/16 od 25.01.2017. godine, pravno lice nije vršilo dogradnju i/ili izmjenu sistema –hidro fazu na ovom lokalitetu.
- Pravno lice je preuzelo obavezu da projektnu dokumentaciju izmijeni (inovira) u skladu sa činjeničnim stanjem na terenu, rezultatima monitoringa tretiranih voda iz 2019., 2020., 2021. godine, a prije upuštanja u recipijent-rijeku Jalu.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „NEXE BETON“ d.o.o. Sarajevo ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. 515/8, 515/9, 445/8, 445/10 i 445/12 K.O. Plane, Grad Tuzla te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- NEXE d.o.o.
Alipašina 22 A, Sarajevo, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava